



ՀԱՍԳ

Դ.Տարի : Թիւ 4

Եռամսեայ թերթիկ
Հոկտեմբեր 2018

Հրատարակութեամբ
Հ.Ս.Ը.Ս. Ալմելո Մեկուսի շրջանի վարչութիւն



Համա-Հ.Ս.Ը.Ս.ական 11-րդ քանակում 19- 29 Յուլիս 2018 Բիրական - Հայաստան.



Հ.Ս.Ը.Ս. Ալմելո Մեկուսի Շրջան





ՀԱՂՈՐԴԱԳՐՈՒԹՅՈՒՆ Հ.Ս.Ը.Մ.Ի 100ԱՄԵԱԿԻ ԿԵԴՐՈՆԱԿԱՆ ՊԱՇՏՈՆԱԿԱՆ ՏՈՆԱԿԱՏԱՐՈՒԹՅՈՒՆՆԵՐ



2018 տարին կը զուգադիպի Հ.Ս.Ը.Մ.ի հիմնադրութեան 100ամեակին: 19էն 29 Յուլիս 2018ի երկարող 10 օրերը նուիրուած էին միութեան 100ամեակի կեդրոնական ձեռնարկներուն եւ տօնախմբութիւններուն, ինչպէս նաեւ Համա-Հ.Ս.Ը.Մ.ական 11րդ բանակումին, որոնց համար Հ.Ս.Ը.Մ.ի մեծ ընտանիքը, իր հիմնադրութեան օրերէն՝ միշտ երազած էր իրականացնել հայրենի հողին վրայ:
Այսպէս՝

Հինգշաբթի, 19 Յուլիս 2018-ին տեղի ունեցան Համա- Հ.Ս.Ը.Մ.ական 11րդ բանակումի հանդիսատր բացման արարողութիւնն ու 110 մասնաճիւղերու անուններով յուշաքանդակի բացումը, Բիւրականի Հ.Ս.Ը.Մ.-Հ.Ա.Ս.Կ.ի բանակավայրին մէջ:

Ուրբաթ, 20 Յուլիս 2018-ին տեղի ունեցան.-Դրօշակի բացման արարողութիւն Ծիծեռնակաբերդի շրջաբակէն ներս: Զահավառութիւն եւ ծառատնկում Ծիծեռնակաբերդի մէջ: Յուցահանդէս Ծիծեռնակաբերդի Ցեղասպանութեան թանգարանին մէջ նուիրուած Հ.Ս.Ը.Մ.ի հիմնադրութեան 100-ամեակին, որուն ընթացքին հրապարակուեցաւ նաեւ Հ.Ս.Ը.Մ.ի թանգարանի ալպոմը:

Շաբաթ, 21 Յուլիս 2018-ին տեղի ունեցան.-

Հիմնադիրներու դիմաքանդակներու բացում, Հ.Ս.Ը.Մ.-Հ.Ա.Ս.Կ.ի կեդրոնի մուտքին: Համա-Հ.Ս.Ը.Մ.ական 11րդ բանակումի մասնակիցներու կողմէ տողանցք՝ Երեւանի «Հանրապետութեան» հրապարակի վրայ: Մոյն տողանցքին իրենց մասնակցութիւնը բերին նաեւ շրջաններէն Երեւան ժամանած նախկին խմբապետ-խմբապետուհիներու խումբն ու Հ.Ս.Ը.Մ.-Հ.Ա.Ս.Կ.ի սկաուտները:

Կիրակի, 22 Յուլիս 2018-ին Եռաբլուրի մէջ տեղի ունեցաւ Հ.Ս.Ը.Մ.ական նահատակներու եւ հանգուցեալներու հոգւոյն նուիրուած հոգեհանգիստ, որուն աւարտին ծաղիկներ զետեղուեցան Եռաբլուր թաղուած բոլոր հերոսներուն եւ նահատակներուն շիրիմներուն:



Երկուշաբթի, 23 Յուլիս 2018-ին տեղի ունեցան.-Վահան Չերազի արձանի բացում, Կիւմրիի Վարդանանց Հրապարակի Վահան Չերազ փողոցի սկիզբը:
Համա-Հ.Մ.Ը.Մ.-ական 11-րդ բանակումի մասնակիցներու կողմէ տողանցք, Կիւմրիի Վարդանանց Հրապարակին վրայ:

Երեքշաբթի, 24 Յուլիս 2018-ին տեղի ունեցան.-Հ.Մ.Ը.Մ.ի հիմնադրութեան 100ամեակի հանրային պաշտօնական հանդիսութիւն Օփերայի Ա. Սպենդիարեան անուան դահլիճին մէջ բարձր նախագահութեամբ եւ ներկայութեամբ Հայաստանի Հանրապետութեան նախագահ Տիար Արմէն Սարգսեանի, հովանաւորութեամբ Ն.Ս.Օ.Տ.Տ. Գաբեգին Բ. Ամենայն Հայոց ու Արամ Ա. Մեծի Տանն Կիլիկիոյ կաթողիկոսներուն, ներկայութեամբ Հայաստանի Հանրապետութեան Վարչապետ Տիար Նիկոլ Փաշինեանին, պետական կառոյցներու ներկայացուցիչներուն, Հ.Մ.Ը.Մ.ականներու եւ հոծ բազմութեան:

Պաշտօնական ընթրիք՝ ներկայութեամբ Հայաստանի Հանրապետութեան նախագահի, պետական այրերու, Հ.Մ.Ը.Մ.ի 100-ամեակի 10 կնքահայրներուն, նուիրատուներուն, հիւրերուն եւ շրջաններու ներկայացուցիչներուն:

Հինգշաբթի, 26 Յուլիս 2018 տեղի ունեցան.-Հ.Մ.Ը.Մ.-ի հիմնադրութեան 100-ամեակի նամականիշի մեկնարկ Գիտաժողով նուիրուած Հ.Մ.Ը.Մ.-ի հիմնադրութեան, կազմաւորման, տարածման եւ դերակատարութեան:

§ Ուրբաթ, 27 Յուլիս 2018-ին Օփերայի սրահին մէջ տեղի ունեցաւ Լիզպոնի հինգի գերագոյն զոհաբերութեան յիշատակում եւ Յեղափոխական երգերու ելոյթ կատարողութեամբ Գառնիկ Սարգիսեանին:

Շաբաթ, 28 Յուլիս 2018-ին տեղի ունեցան.-Դրօշակի փակման արարողութիւն եւ դրօշակներու փոխանակում Ծիծեռնակաբերդի Յեղասպանութեան թանգարանի տնօրէնութեան եւ Հ.Մ.Ը.Մ.ի Կեդրոնական Վարչութեան միջեւ, Ծիծեռնակաբերդի շրջաբակէն ներս: Համա-Հ.Մ.Ը.Մ.ական 11-րդ Բանակումի պաշտօնական փակում, Բիւրականի Հ.Մ.Ը.Մ.-Հ.Ա.Ս.Կ.ի բանակավայրէն ներս:

Կիրակի, 29 Յուլիս 2018-ին տեղի ունեցաւ 100-ամեակի փակման Յաղթանակի պարահանդէս «Փարաւոն» ճաշարանին մէջ, մասնակցութեամբ աւելի քան 2000 Հ.Մ.Ը.Մ.ականներու: Հ.Մ.Ը.Մ.ի Կեդրոնական Վարչութիւնը հոգեկան մեծ գոհունակութեամբ իր աւարտին հասցուց միութեան 100ամեակի կեդրոնական հանդիսութիւնները, որուն համար շնորհակալութիւն կը յայտնէ Հայաստանի Հանրապետութեան նախագահին, գոյգ վեհափառ հայրապետներուն, Հայաստանի Հանրապետութեան վարչապետին, Սփիւռքի նախարարութեան, Հ.Յ.Դ. Բիւրոյին, պետական բոլոր կառոյցներուն, 100-ամեակի 10 նախագահներուն, նուիրատուներուն, մամուլին, քարոզչական միջոցներուն եւ Հ.Մ.Ը.Մ.ի Շրջանային ու Մեկուսի բոլոր վարչութիւններուն:

Վարձքը կատար բոլորին:

Հ.Մ.Ը.Մ.ի մեծ ընտանիքը իր 100ամեայ պանծալի պատմութիւնը յիշեց եւ յիշեցուց աշխարհին: Յաջորդ հանգրուանը՝ աշխարհասփիւռ կառոյցի շրջաններուն մէջ պաշտօնական ձեռնարկներով 100ամեակի տօնակատարութիւններու իրագործումն է: Ապա, դէպի նոր 100ամեակներ, նորանոր նուաճումներ եւ նորանոր յաղթանակներ արձանագրելու վճռակամութիւնը, որպէսզի իրականանայ «Պատուաբեր Անցեալէն՝ Յաղթական Ապագան»:

Հ.Մ.Ը.Մ.Ի

ԿԵԴՐՈՆԱԿԱՆ ՎԱՐՉՈՒԹԻՒՆ



Դեկտեմբեր 1974-ին, Պէյրութի մէջ կը գումարուի Միութեան Ա. Ընդհանուր Ժողովը, մասնակցութեամբ՝ 28 մասնաճիւղերու ներկայացուցիչներու: Կը բացուի Հ.Մ.Ը.Մ.ի պատմութեան նորագոյն էջը:



.. ՀՄԸՄ-ի 100-ամեակի Դրոշմաթուղթի Հրապարակում Եւ Պատմութեան Նուիրում Գիտաժողով՝ Երեւանի Մէջ

ՀՄԸՄ-ի 100-ամեակի տօնակատարութիւններուն եօթներորդ օրը յատկացուեցաւ պետական արտօնութեամբ յատուկ դրոշմաթուղթի հրապարակման եւ միութեան հիմնադրութեան, կազմաւորման եւ տարածման նուիրում գիտաժողովին, որոնք տեղի ունեցան սփիւռքի նախարարութեան դահլիճին մէջ, առաւօտեան ժամը 9:30-էն մինչեւ յետմիջօրէի ժամը 3:30:



100-ամեակի Դրոշմաթուղթը

100-ամեակի դրոշմաթուղթի հրապարակման ներկայ գտնուեցան սփիւռքի փոխնախարար Բարգէն Տէր Գրիգորեան, փոխադրամիջոցներու, կապի եւ տեղեկատվութեան արհեստագիտութեան:

փոխնախարար Արմէն Արզումանեան, «Հայփոստ»-ի գլխաւոր գործադիր տնօրէնի ժամանակաւոր պաշտօնակատար Հայկ Աւագեան, դրոշմաթուղթի հաւաքորդներու միութեան նախագահ Յովիկ Մուսայէլեան, ՀՄԸՄ-ի Կեդրոնական վարչութեան ներկայ եւ նախկին անդամներ, հիւրեր եւ աշխարհի չորս ծագերէն Երեւան եկած ՀՄԸՄ-ականներ:

ՀՄԸՄ-ՀԱՄԿ-ի արենուշներէն Անահիտ Անդրեասեանի բարի գալուստի խօսքէն ետք, խօսք առաւ «Հայփոստ»-ի ներկայացուցիչ Մարգարիտա Յակոբեան եւ նշեց, որ այսօր շրջանառութեան կը դրուի ՀՄԸՄ-ի 100-ամեակին նուիրում յատուկ դրոշմաթուղթը, որ ունի 330 դրամի անուանական արժէք: Դրոշմաթուղթը տպուած է ֆրանսական «Քարթոր» տպագրատան մէջ՝ 40 հազար տպաքանակով:

Դրոշմաթուղթին հեղինակն է «Հայփոստ»-ի ձեւագէտ Վահէ Մուրատեան: Դրոշմաթուղթին վրայ պատկերուած է ՀՄԸՄ-ի 100-ամեակի խորհրդանշանը եւ հատուած մը միութեան համա-ՀՄԸՄ-ական բանակումներէն՝ տեղադրուած սկաուտի տեսքով պատկերի մը մէջ:

Դրոշմաթուղթի հրապարակման համար հայրենի պատասխանատուներն ու ՀՄԸՄ-ի Կեդրոնական վարչութեան ատենապետ Գառնիկ Մկրտիչեանը ստորագրեցին եւ կնքեցին նոր հրապարակուած դրոշմաթուղթերէն հինգական օրինակներ, որոնք փոխանակեցին իրարու հետ:



100-Ամեակի Գիտաժողովը

Դրոշմաթուղթի հրապարակման յաջորդեց 100-ամեակի գիտաժողովը, որուն սկիզբը երիտասարդութեան եւ մարմնակրթութեան նախկին նախարար Ռոլանտ Շառոյեան անակնկալ մը հրամցուց ներկաներուն, երբ Հայաստանի մարմնակրթական մշակոյթի եւ մարմնամարզի պետական հիմնարկի գիտական խորհուրդին կողմէ պատուաւոր փրոֆեսորի վկայականով պատուեց հիմնարկի հեռակայ կարգով դասախօսներէն տոքթ. Շաւարշ Քրիսեանը:



Գիտաժողովի բացման նիստին ողջոյնի խօսքով հանդէս եկաւ սփիւռքի փոխնախարար Բաբգէն Տէր Գրիգորեան: Ան ըսաւ, թէ գիտաժողովը հիանալի առիթ է ՀՄԸՄ-ի գործունէութիւնը ներկայացնելու, ուսումնասիրելու, հրապարակային քննարկման արժանացնելու եւ ըստ այնմ արժեւորելու միութեան դերակատարութիւնը հայոց պետականութեան կերտման մէջ:



Տէր Գրիգորեան շեշտեց նաեւ, որ ՀՄԸՄ իր ստեղծման օրէն սկսեալ իրականացուցած է ազգապահպանման ծրագիրներ՝ սերունդները դաստիարակելով հայրենասիրական եւ մարդասիրական արժեքներով: «Ես կը վստահեցնեմ, որ սփիւռքի նախարարութիւնը պատրաստակամ է տեւաբար աջակցելու ՀՄԸՄ-ի ծրագիրներուն, ինչ որ կը յանգեցնէ որակական նոր մակարդակի համագործակցութեան: Մենք այսօր սկիզբ կը դնենք Հայաստան-սփիւռք կապերու նոր տեսակի՝ գործելով նոր Հայաստանի մէջ», եզրափակեց ան:

Գիտաժողովին ՀՄԸՄ-ի Կեդրոնական վարչութեան խօսքը ուղղեց տոքթ. Իշխան Եղիայեան: Ան ըսաւ, թէ 100-ամեայ, բայց միշտ երիտասարդ ՀՄԸՄ-ին մասին գիտաժողով կազմակերպելը օգտակար եւ կարեւոր է, որովհետեւ միութիւնը ունի հարուստ գրականութիւն, աշխարհի չորս կողմը սփռուած ահագին արխիւներ եւ նիւթեր, որոնց հետազօտումը պիտի հարստացնէ մեր ժողովուրդի արդի պատմութեան էջերը:

Եղիայեան հաստատեց, որ ՀՄԸՄ-ը սոսկական շարժում մը չէ միայն, այլեւ ան մարզական, ընկերային, մշակութային եւ տակաւին բազմաթիւ այլ նախարարութիւններու գործը կատարողն է տասնամեակներէ ի վեր: Հետեւաբար, առանց չափազանցութեան, անիկա «հայակերտման եւ հայապահպանման մեր նախարարութիւնն է»:

Իր խօսքին աւարտին, տոքթ. Իշխան Եղիայեան ՀՄԸՄ-ի Կեդրոնական վարչութեան անունով շնորհակալութիւն յայտնեց սփիւռքի նախարարութեան՝ իր տրամադրած բոլոր դիւրութիւններուն համար, ինչպէս նաեւ ՀՄԸՄ-ՀԱՍԿ-ի վարչութեան եւ գիտաժողովին յաջողութեան նպաստած բոլոր պատասխանատուներուն:



Ապա, գիտաժողովը իր աշխատանքներուն անցնելով, չորս նիստերով լսեց չորս զեկուցումներ, որոնց շուրջ տեղի ունեցաւ քննարկում եւ արժեւորում: Նիստերը վարեցին չորս զրուցավարներ, որոնք ընդհանուր ներածականներով ներկայացուցին իւրաքանչիւր նիւթը եւ զեկուցաբերը: Նիստերը ընթացան հետեւեալ կարգով.-

Ա. նիստ- զեկուցաբեր՝ Հայկ Դեմոյեան, նիւթ՝ «ՀՄԸՄ-ի կազմաւորումը, առաջին քայլերը եւ գործունէութիւնը», զրուցավար՝ Գեորգ Յակոբճեան (Վիեննա):

Բ. նիստ- զեկուցաբեր՝ Յարութ Զեքիճեան, նիւթ՝ «ՀՄԸՄ-ի մայր հայրենիք վերադարձը եւ գործունէութիւնը (1918-1921)», զրուցավար՝ Սեւան Նազարեան (Փարիզ):

Գ. նիստ- զեկուցաբեր՝ Տիգրան Ճինպաշեան, նիւթ՝ «ՀՄԸՄ-ը իբրեւ սփիւոքի հայապահպանութեան ջահակիր եւ համահայկական կառոյցի տէր կազմակերպութիւն», զրուցավար՝ Յակոբ Գազանճեան (Նիկոսիա):

Դ. նիստ- զեկուցաբեր՝ Գեղամ Մանուկեան, նիւթ՝ «ՀՄԸՄ-ի վերընձիւղումը հայրենիքի մէջ եւ գործունէութիւնը մինչեւ մեր օրերը», զրուցավար՝ Վիգէն Աւագեան (Պէյրութ):

Նիստերու աւարտին, գիտաժողովին հիւրաբար մասնակցող տոքթ. Շաւարշ Քրիսեան իր սրտին խօսքը ուղղեց ներկաներուն: Ան ըսաւ, թէ ՀՄԸՄ-ը եղաւ Ցեղասպանութենէն ետք վերապրումի մեր կամքը մարմնաւորող այն կենսունակ միութիւնը, որ հազարաւորներու կամքերը դարբնեց եւ միտքերը կոփեց: ՀՄԸՄ-ը եղաւ հայ մարդու վերանորոգ եռանդին, ինքնագիտակցութեան, ապագային նկատմամբ լաւատեսութեան լաւագոյն արտայայտիչը:

Քրիսեան յաջողութիւն մաղթեց ՀՄԸՄ-ի երկրորդ 100-ամեակին եւ նշեց, որ հիմնադիր Շաւարշ Քրիսեանի տեսլականը՝ հայ երիտասարդութիւնը համախմբելու մարդկային ազնիւ սկզբունքներու եւ ազգային համահայկական իտեալներու շուրջ, միշտ կը մնայ այժմեական եւ թելադրական:

Յայտնենք, որ գիտաժողովին նիստերը ուղղակիօրէն սփռուեցան «Երկիր Մետիա» պատկերասփիւռի կայանէն եւ ՀՄԸՄ-ի դիմատետրի էջերէն:

100-ամեակի Մնացեալ Ձեռնարկները

ՀՄԸՄ-ի պատմութեան նուիրուած գիտաժողովի աշխատանքներով 100-ամեակի տօնակատարութիւնները հասան իրենց աւարտին: Այսօր, Պէյրութի ժամանակացոյցով երեկոյեան ժամը 6:00-ին, Օփերայի Արամ Խաչատրեանի անուան համերգասրահին մէջ, ՀՄԸՄ-ի Կեդրոնական վարչութիւնը կազմակերպած է Գառնիկ Սարգիսեանի ազգային-յեղափոխական երգերու ելոյթ: Վաղը, Ծիծեռնակաբերդի յուշահամալիրին մէջ տեղի կ'ունենայ 100-ամեակի տօնակատարութիւններու փակում, երբ Հայաստանի ու ՀՄԸՄ-ի դրօշները հանդիսաւոր կերպով վար կ'առնուին եւ ՀՄԸՄ-ի դրօշը կը յանձնուի Ծիծեռնակաբերդի Ցեղասպանութեան թանգարանին, իսկ Հայաստանի դրօշը՝ ՀՄԸՄ-ի Պէյրութի թանգարանին:

Կիրակի, երեկոյեան, տօնակատարութիւնները իրենց աւարտին կը հասնին յաղթանակի ճաշկերոյթ-պարահանդէտով, որուն կը մասնակցին 100-ամեակին առիթով Հայաստան եկած 2000 ՀՄԸՄ-ականներ՝ վարչական պատասխանատուներ, համա-ՀՄԸՄ-ական բանակումի մասնակիցներ, ծնողներ, հիւրեր, բարեկամներ եւ բարերարներ:



ՀՄԸՄ-ի 100-ամեակ. Երախտագիտութեան Եւ Արժէտութեան Փորձ



ԳԵՈՐԳ ՅԱԿՈԲՅԱՆ

Գրեթէ մէկ ամիս անցած է Հայաստանի մէջ ՀՄԸՄ-ի հիմնադրութեան դարադարձին նուիրուած պաշտօնական եւ ժողովրդային հանդիսութիւններէն: Մանաւանդ այս օրերուն, երբ շատերս քննադատութեան մէկական վարպետներ ենք, յաճախ ձեռնածալ նստած՝ կը քննադատենք այս կամ այն միութեան ըրածը կամ չըրածը, սխալներն ու, մարտահրաւերները նշելու կողքին, գործնական ու ազդու լուծումներ չենք առաջարկեր, «եթէ մենք չենք կազմակերպողը, ուրեմն թերի-անկատար է»-ի հոգեբանութեամբ կը գործենք ու կը ծլանանք արդար գնահատականներ տալ դրական երեւոյթներուն: Կը հաւատամ, որ ՀՄԸՄ-ի 100-ամեակին նուիրուած հայաստանեան ձեռնարկներուն բոլոր դերակատարներուն, ամենէն մեծէն մինչեւ ամենէն չնչին ներդրում ունեցողներուն անխտիր՝ երախտապարտութեան խօսք արձանագրելը իմ խղճի նուագագոյն պարտքն է:

Հետեւաբար, երախտապարտութեան ազնիւ խօսք՝ բոլոր անոնց, որոնք ամիսներ շարունակ ծրագրեցին, դասաւորեցին, կազմակերպեցին, համակարգեցին, գործադրեցին, նուիրաբերեցին, օժանդակեցին, շարքերը զօրաշարժի ենթարկեցին, քուլիսներու ետին, ժողովներու միջոցով կամ Երեւանի ու Բիւրականի օտօին ու կիզիչ արեւին տակ ջիղ ու համբերութիւն վատնեցին, ուժաթափ եղան, մարտահրաւերներ յաղթահարեցին, մէկ խօսքով՝ ԳՈՐԾԵՅԻՆ, որ այդ տասը պատմական օրերը ոսկի տարերով արձանագրուին ո՛չ միայն ՀՄԸՄ-ի, այլ հայոց նորագոյն պատմութեան տարեգրութեան մէջ:

Պատմական էին այդ օրերը, որովհետեւ ՀՄԸՄ-ը համայն հայութեան առջեւ իր հարիւրամեայ աշխարհատարած երթին հաշուետոյութիւնը կու տար ՃԱԿԱՏԱԲԱՅ, հայրենի անկախ հողին վրայ, եռագոյնի հովանիին ներքեւ, ինքնիրոյն, կազմակերպ, բծախնդրօրէն մշակուած ձեռնարկներով, սկաւառական կուտ շարքերով, զանազան երկիրներէ ժամանած հարիւրաւոր միութենականներով, պետական, քաղաքական, ակադեմական աւագանիի ներկայութեամբ, անոնց իրաւացի գնահատականով ու քաջալերանքով, հայրենաբնակ ու սփիւռքաբնակ հայրենակիցներու ժողովրդային մասնակցութեամբ:

Պատմական էին, որովհետեւ ՀՄԸՄ-ը որպէս հայկական ժամանակակից իրականութեան մէջ մեծագոյն թիւ եւ ցանց ունեցող համահայկական կազմակերպութիւն՝ Հայաստանի մէջ սոյն ձեռնարկներու կազմակերպումով կու գար իր լուսնի ներդրումը ընդամենը երկու ամիս առաջ ժողովրդային յեղափոխութեամբ իշխանափոխութիւն ապրած հայրենիքին ու ժողովուրդին կեանքին մէջ, ինչպէս նաեւ կը նպաստէր ներկայ իշխանութիւններուն վաւերականութեան առաւել հաստատման: Այսպիսով, ՀՄԸՄ-ը անգամ մը եւս կը փաստէր, որ ինք հայրենակեդրոն ու հայրենասնուէր միութիւն է: Միւս կողմէ՝ իշխանութիւններուն ցուցաբերած ողջունելի համագործակցութիւնը եւ անվերապահ զօրակցութիւնը վստահութիւն կը ներշնչէին բոլոր մասնակիցներուն եւ կ'ամրապնդէին ժողովուրդ-իշխանութիւն համահայկական կազմակերպութիւններ յարաբերութիւնները:



Պատմական էին այդ օրերը, որովհետեւ խորհրդանշականօրէն Պոլիսէն, Արարատի գագաթէն, Փարիզէն ու Անթիլիասէն բերուած ջահերը կը միաձուլուէին Ծիծեռնակաբերդի անմար կրակին հետ, որ մեր ժողովուրդի արդար իրաւունքներու եւ պահանջատիրութեան կրակն է:

Պատմական էին, որովհետեւ աշխարհի չորս ծագերէն աւելի քան 1200 սկաուտներ Հայաստան մէկտեղելով՝ ՀՄԸՄ-ը անուղղակիօրէն կը վերահաստատէր իր առաքելութիւնը «նահատակ ցեղի անմահները» դէպի հայրենի կատարներ առաջնորդելու:

Պատմական էին, որովհետեւ Օփերային թատրոնի սրահի պաշտօնական հանդիսութեամբ, Բիւրականի մէջ բացուած յուշաքարով, Երեւանի ՀԱՄԿ-ի կեդրոնին մօտ քողագերծուած ՀՄԸՄ-ի հիմնադիրներու կիսանդրիներով եւ Գիւմրիի մէջ տեղադրուած Վահան Չերազի արձանով, ինչպէս նաեւ հարիւրամեակի դրոշմաթուղթի, գիտաժողովի եւ ՀՄԸՄ-ի թանգարանային իրերու ալպոմին հրատարակութեամբ, Երեւանի կեդրոնին մէջ տեղադրուած մեծ պաստառներով ու լրատուական զանգուածային միջոցներու անդրադարձով Հայաստանի մէջ ՀՄԸՄ-ի հանրաճանաչութեան մակարդակը կը բարձրանար: Յառաջիկայ տասնամեակներուն նմանատիպ պատմական յօբելաններ նշելու համար, ՀՄԸՄ-ը ունի կայացած համաշխարհային կառոյց, կամաւորներու հսկայ բանակ, ներուժ եւ պատմական փորձ: Կը մնայ առարկայական արժեւորումի ենթարկել միութեան ներկա՝ ն, ներկան ու ներկայի նպատակասլաց գործը առաջնային դասել, չգինովնալ անցեալի փառքով, չտարուիլ ապագայի վարդագոյն երագներով, վերանորոգուիլ, աւելի արդիականանալ, միշտ որակը գերադասել, ստեղծագործել ու ժամանակակից աշխարհայեացքով, ռազմավարութեամբ, ծրագրով աշխատելառձով թեւակոխել երկրորդ հարիւրամեակ:

ԳԵՈՐԳ ՅԱԿՈԲՃԵԱՆ
Վիեննա, 23 օգոստոս 2018

ԿԱՄԱՌՈՐ ԲԱՆԱԿ, ՅԱՌԱՋ, ՅԱՌԱՋ ԱՆՍԱՄԱՆ



Արարատի Գագաթին՝ Եռագոյն Պարզել Կ'ուզեմ... Իրականացած Փափաք Եւ Շօշափելի Երազ.

Ջահերու մեր յայտարարութիւնները կեդրոնացած էին երեք ջահերու վրայ, սակայն մեր 16 խմբապետները, աշխարհի չորս ծագերէն համախմբուելով 100ամեակի առիթով մեծ անակնկալ նուերով մը, ալ աւելի յատկանշական ու զգացական ջահ մը աւելցուցին երեքին վրայ, երբ գաղտնաբար ծրագրեցին ու անտեսելով բոլոր վտանգները, բարձրացան մեր բոլորին համար յատուկ նշանակութիւն ունեցող ու մեր յաւերժութիւնը խորհրդանշող Արարատ լեռը: Անոնք Արարատ լեռան գագաթին վերանորոգեցին իրենց սկառուտական խոստումը, չորրորդ ջահը վառեցին ու բռն մը հող ապահովելով ներկայացան Կեդրոնական Վարչութեան ու այս անակնկալը մատուցեցին մեր բոլորին: Հպարտ ենք մեր խմբապետներով, որոնք մեծագոյն փաստը փոխանցեցին Հ.Մ.Ը.Մ.ական դաստիարակութեան յատկանշութեան:»

#Homenetmen100 #PHJ2018

Fox Bedig Garinée Siroonig Yeghnig Sisserian Ruppen Nalbandian Մենաք
Պոյաճեան Hay Raz Keshishian Tamar Anie Ekmekjian Anna H. Keombejian
Arda Grants Raffi Hasserjian Գրիգոր Սահակեան Dalar Galestian Rosalia Haratouri-
an Pégor Yacoubian Micael Nalbandian Նալիիի Շիրանեան Gasig Timidjian Sarin
Jeghelian Viken Minasian Sevag Demirdjian





ԹԵՄԱ

ՀԱՐՑԱԶՈՐՈՒՅՑ

ԻՐԱՎՈՐՔ

ՏՆՏԵՍԱԿԱՆ

ՄԵՍԿՈՐՅՈՒՆ

ԱՆԽԱՐԴ

ՍՊՈՐՏ

ՖՈՏՈԼՈՐ



ԵՐԿԻՐ TV

Հայաստանում Հ.Մ.Ը.Մ.-ի 100-ամյակի բանակմանը մասնակցելու համար Հակոբը չորս տարի գումար է հավաքել


Հասարակություն

20 Հուլիսի 2018, 12:24

Լինել Հ.Մ.Ը.Մ.-ական և դաշնակցական. Այս երկու միություններով է կյանքում առաջնորդվում Հ.Մ.Ը.Մ.-ի 100-ամյակին նվիրված բանակմանը մասնակցելու համար Հոլանդիայից հայրենիք ժամանած 21-ամյա Հակոբ Գասպարյանը:

«Ես մեծացա Հ.Մ.Ը.Մ.-ի շարքերում, հետագայում անցա նաև սկաուտական շարքերը: 2014-ին առաջին անգամ մասնակցեցի համա-Հ.Մ.Ը.Մ.-ական բանակմանը և ահա այսօր՝ չորս տարի անց, նույնպես մասնակցում եմ այս պատմական բանակմանը՝ նվիրված Հ.Մ.Ը.Մ.-ի 100-ամյակին», - Yerkir.am-ի հետ զրույցում ասաց Հակոբը՝ հավելելով.
«Հ.Մ.Ը.Մ.-ն ուրիշ կյանք է, աղվոր կյանք է»:

Հ.Մ.Ը.Մ.-ն իր կենսակերպը դարձրած Հակոբը պատմեց, թե իրականում այնքան էլ հեշտ չէ Ալմեյդայից հասնել Հայաստան և մասնակցել այս բանակմանը:



«Պետք է արժանի լինես Հ.Մ.Ը.Մ.-ին և 4 տարին մեկ տեղի ունեցող այս բանակմանը մասնակցելուն, որն իրականում երազանք է: Պետք է ակտիվ աշխատանք տանես միությունում, վաստակես դրան մասնակցելու իրավունքը: Իմ դեպքում ավելի դժվար էր: Նախորդ համա-Հ.Մ.Ը.Մ.-ական բանակումից վերադառնալուց անմիջապես հետո սկսեցի աշխատել և գումար հավաքել 4 տարի անց կայանալիք այս բանակմանը մասնակցելու համար: Ես թե՛ սովորում եմ, թե՛ աշխատում: Որքան էլ դժվար լինեք դրանք համատեղելը, չէի կարող թերանալ բանակմանը մասնակցելու հարցում», - ասաց Հակոբը, ով աշխատում է որպես ատաղձագործ, ինչն էլ սկաուտական առօրյայում պետքական է:



ԵՐԿԻՐ

verkir.am

Պայթյուն՝ Դրիմի ջոկերից մեկում. 10 զոհ
Նախնական տեղեկություններով՝ պայթյել է կենցաղային գազ

Էրեբունիում 8 ժամ ջուր չի լինի
Վթարի պատճառով

ՀԱՅ ՄԿ



ԹԵՄԱ

ՀԱՐՑԱԶՈՐՈՒՅՑ

ԻՐԱՎՈՒՆԷ

ՏՆՏԵՍԱԿԱՆ

ՄԵՍԿՈՒՅԹ

ԱՇԽԱՏՐ

ՄՊՈՐՏ

ՖՈՏՈԼՈՐ




ԵՐԿԻՐ TV

Երիտասարդը նշեց, որ, բարեբախտաբար, այս տարի բանակմանը մասնակցողների թիվն աննախադեպ մեծ է, և, չնայած դրան, միությունը առիթ է ընձեռել գրեթե բոլոր ցանկացողներին՝ գալ հայրենիք և իրենց մասնակցությունը ցուցաբերել պատմական արարողությանը:

«Ես մեր մասնաճյուղի մեջ առաջինն էի, որ մասնակցելու համար անունս ներկայացրեցի: Երկար էի սպասել այս օրվան: Հ.Մ.Ը.Մ.-ն ինձ համար կյանքի ուղի է: Ինձ համար նախ ընտանիքս է, հետո՝ Հ.Մ.Ը.Մ.-ն: Այս 10 օրը բացառիկ առիթ է այլ երկրների մեր սկաուտ քույր-եղբայրների հետ ծանոթանալու, նրանց հետո նորանոր հիշողություններ կուտակելու համար», - ասաց Հակոբը, ով Հ.Մ.Ը.Մ.-ին և ՀՅԴ-ին իր նվիրվածությունը կրում է ոչ միայն սրտում, այլև՝ մարմնի վրա՝ համապատասխան դաջվածքներ է արել:

Զրույցի ավարտին Հակոբը նշեց, որ անհամբերությամբ սպասում է իրերի փոխանակման օրվան, որը սկաուտական բանակումների ամենահետաքրքիր պահերից է: Բանակման ավարտին սկաուտներն իրենց իրերը փոխանակում են այլ երկրների սկաուտների հետ՝ որպես այդ բանակումից մնացած հիշատակ:



Pax Kinderen . -

Կիրակի 12 Օգոստոս 2018թ. – Ալմելո՝

Հովանաւորութեամբ գերաշնորհ տէր Վահան Եպիսկոպոս Յովհաննիսեանի, կազմակերպութեամբ՝ Ալմելո-ի Ս.Գրիգոր Լուսաւորիչ Եկեղեցւոյ , Հոլանտայի Հ.Բ.Ը.Մ.ան եւ Հ.Մ.Ը.Մ. Ալմելո Մեկուսի շրջանի . ընդունելութեան (Pax Kinderen Hulp.-ի կողմէ հայաստանէն Հոլանտա ժամանող Հայ մանուկներու) միջոցառման լուսանկարներ:



ՄԿԱՌԻՏԱԿԱՆ

Սկաուտական վերամուտ



Կիրակի 2 Սեպտեմբեր 2018 թ. միութեանս սրահէն ներս Եղբ. Սեւան Գորգիսեանի սուլակով յայտարարուեցաւ միութեանս սկաուտներու (2018-19 տարեշրջանի) վերամուտը:

Օրուայ առաջին հաւաքոյթին բաժանուեցաւ սկաուտական խմբապետական կազմի կողմէ նախապէս պատրաստուած աշխատանքներու յանձնարարութիւնը աստեճանաւորներուն:

Նոյն օր ընդունելութիւն տեղի ունեցաւ նոր 16 մուկիկներ:



2018-19 տարեշրջանի սկաուտական կազմը ներկայացուեցաւ հետեւեալ ձեւով .-Սկաուտական խմբապետական կազմ Կրադկանայ 4 անդամներէ (Եղբ. Սեւան Գորգիսեան , Քոյր Անիթա Գորգիսեան , Եղբ. Յակոբ Գասպարեան եւ Քոյր Փաթիլ Տատուրեան)

-Ընդհանուր թիւ:107

-Սկաուտական խմբապետ: Եղբ. Սեւան Գորգիսեան

-Սկաուտական հաւաքոյթները: *Ամսուայ (1եւ 3)րդ կիրակի օրերը . իւրաքանչիւր հաւաքոյթ կտեւէ մօտաւորապէս (2:30) ժամ:*



I-Աստիճանաւորներ:

- 1-Քոյր Փաթիլ տատուրեան
- 2-Քոյր Անիթա Գորգիսեան
- 3- Եղբ. Յակոբ Գասպարեան
- 4- Քոյր Սօնիեա Խաչատուրեան
- 5- Քոյր Մարիամ Մխիթարեան
- 6-Եղբ. Յակոբ Գորգիսեան
- 7-Քոյր Թանիեա Աղօսեան
- 8-Քոյր Դիթա Մուրատեան

II- Երեց եւ Պարմանուհի:

III- Արի եւ Արենուշ:

IV- Գայլիկ եւ Արծուիկ:

V- Մուկլիկներ:

18

29

35

16

Միաւոր Խմբապետուհի.

Խմբապետուհի.

Խմբապետ.

Փոխ խմբապետուհի.

Փոխ խմբապետուհի.

Վոհմակ Փոխ Պետ.

Երամի Փոխ-Պետուհի.

Երամի Փոխ-Պետուհի.

(10 Երեց / 8 Պարմանուհի).

(12 Արի / 17 Արենուշ).

(15. Գայլիկ / 20 Արծուիկ).





Միութեանս Վարչական Անդամներու մասնակցութիւնը Հ.Մ.Ը.Մ.ի 100 Ամեակի ձեռնարկներու յայտագրին

Հայաստան (Երեւան) ժամանցող միութեանս վարչութեան (Ատենապետ) Եղբ. Սարգիս Տէր Ղազարեան եւ Եղբ. Վարդան Պօղոսեան. Բացառութեամբ միութեանս պատուիրակութեան հերթական հետեւողութեան, մասնակցեցան Հ.Մ.Ը.Մ.ի 100 Ամեակի ձեռնարկներուն ուր .-

-Հինգշաբթի 19 Յուլիս 2018 թ.ին առաւօտեան ժամը 11:30ին մասնակցեցան Երեւանի մէջ Հ.Մ.Ը.Մ.ի կեդրոնական վարչութեան (հանրապետութեան փողոցի մէջ գտնուող Եւրոպա հիւրանոցի) գումարուած ժողովին:

-Ուրբաթ 20 Յուլիս 2018 թ. մասնակցեցան Ծիծեռնակաբերդի մէջ դրօշակի բացման արարողութեան:

-Շաբաթ 21 Յուլիս 2018 թ. մասնակցեցան Երեւանի մէջ Հ.Մ.Ը.Մ.ի 100 ամեակի նուիրուած Հ.Մ.Ը.Մ.-Հ.Ա.Ս.Կ. կեդրոնի մէջ բացուած Վարդան Բախշեանի անուան գրադարանին եւ հիմնադիրներու քանդակներու բացումին:

-Շաբաթ 21 Յուլիս 2018 թ. մասնակցեցան Երեւանի մէջ Հ.Մ.Ը.Մ.ի 100 ամեակի (հանրապետական հրապարակի մէջ) պաշտօնական տողանցքի




**Հ.Մ.Ը.Մ.Ի 100ԱՄԵԱԿԻ ՊԱՇՏՕՆԱԿԱՆ
ՏՕՆԱԿԱՏԱՐՈՒԹԻՒՆՆԵՐ
19ԷՆ 29 ՅՈՒԼԻՍ 2018, Հայաստան**

- Երկուշաբթի 23 Յուլիս 2018 թ. մասնակցեցան Գիւմրի քաղաքի մէջ Վահան Զերազի արձանի բացման տօնակատարութեան:

-Հինգշաբթի 26 Յուլիս 2018 թ. Բիւրական . մասնակցեցան նախկին խմբապետներու հաւաքին ու խարուկահանդէսին:

-Շաբաթ 28 Յուլիս 2018 թ. մասնակցեցան Ծիծեռնակաբերդի մէջ դրօշակի փակման արարողութեան:



-Շաբաթ 28 Յուլիս 2018 թ. Բիւրական . մասնակցեցան Համա-Հ.Մ.Ը.Մ.
ական 11-րդ բանակումի պաշտօնական փակման արարողութեան:
-Կիրակի 29 Յուլիս 2018 թ. մասնակցեցան Հանրային փակման
(Փարաուն ճաշարանին մէջ) ճաշկերոյթին:



-Երկուշաբթի 30 Յուլիս 2018 թ. մասնակցեցան Եղբ. Նազար Զաթալեանի
(Բաքելոն ճաշարանի մէջ) հիւրասիրութեան:



ՄԱՐԶԱԿԱՆ

Հ.Մ.Ը.Մ. Ալմելո Մեկուսի Շրջանի սրահի ոսնագնդակի Ա.խումբը կշարունակէ (K.N.V.B.) ԹԻԻԵՆԹԱ շրջանի 2018-19 տարեշրջանի (այս տարի Բ Կարգով) մրցաշարային մրցումները:

Միութեանս վարչութիւնը բարի վերամուտով յաջողութիւններ կմաղթէ խումբին:

Տեղի ունեցաւ ներքեւ յիշեալ մրցումները.-

-21 Սեպտեմբեր 2018 թ.- (Jachtlustplein , Twello) սրահին մէջ

Voorwaartts T1 Twello vs Homenetmen Almelo

-28 Սեպտեմբեր 2018 թ.- (Stins, Almelo) սրահին մէջ

Homenetmen Almelo vs FC. RDC. Deventer



ZAALVOETBAL

7- 3.

4- 3.



Վա՛յ վա՛յ կղզիէն . Լուրեր

Մեր կղզու նախորդ եռամսեայ գիտնականներու ժողովը այլ բժշկական կերպարանք ունեցաւ , երբ նրանք սկսան վերլուծել ստացուած մեր կղզու մէջ կազմուած բժշկական գիտածողովի որոշումները. Որով թոյլատրուեցաւ փոխադարձ իրաւունքներ իգական սեռի մասնագէտ բժիշկներու ընդմիջումը արական սեռի վիրաբուժութեան ժամանակաւնթացքին եւ նմանապէս արական սեռի մասնագէտ բժիշկներու ընդմիջումը իգական սեռի վիրաբուժութեան ժամանակաւնթացքին:

Հետաքրքիրն այն է , թէ համաշխարհային բժշկական համալիրին Փրոֆեսորները հանդարտ դիտելու են մեր կղզու բնակիչներու առողջապահական իրավիճակին:

Իրօք խեղճ մեր կղզու բնակիչներ չեն գիտեր որոշ ժամանակահատուածէ ետք ինչ է գալիքը նրանց գլխին:



Ճանապարհորդութիւն դէպի յոբելենական 100 ամեակի

Հ.Մ.Ը.Մ. Ալմելո Մեկուսի Շրջան իր մասնակցութիւնը բերաւ Հ.Մ.Ը.Մ.ի 100 ամեակի հիմնադրութեան նուիրուած (Հայաստան/ Բիւրական. 19-29 Յուլիս 2018 թ.) Համա-Հ.Մ.Ը.Մ. ական 11-րդ բանակումին:



Ձեռնարկի պաշտօնական պատուիրակութիւնն էր 1. Եղբ. Մեւան Գորգիսեան (պատուիրակութեան պատասխանատու), 2. քոյր Անիդա Գորգիսեան, 3. Եղբ. Յակոբ Գասբարեան, 4. քոյր Մարիամ Մխիթարեան, 5. Եղբ. Յակոբ Գորգիսեան, 6. քոյր Մարգրիտ Գորգիսեան, 7. Եղբ. Ճաք Տէր Ղազարեան, 8. Եղբ. Հովիկ Մովսէսեան, 9. քոյր Եւա Մովսէսեան, 10. քոյր Ռիթա Մուրատեան, 11. քոյր Թանէա Ադոմեան, 12. քոյր Սոնէա Խաչատուրեան, 13. քոյր Արաքսի Խաչատուրեան, 14. քոյր Ալին Մուրատեան, 15. քոյր Թամար Արշակեան, 16. Եղբ. Ազատ Պօղոսեան եւ օժանդակ Եղբ. 17. Կարօ Վահանեան: Միութեանս պատուիրակութեան մաս կազմեցին Հ.Մ.Ը.Մ. Ալքմառ Մեկուսի Շրջանէն 18. քոյր Սյունէի եւ 19. քոյր Սիրարփի Աբրահամեանները:

Պատուիրակութեան ճանապարհորդութիւնը սկիզբ արաւ 17 Յուլիս 2019 թ. Հոլանտական (ՄԽԻՓՈԼ) օդակայան էն: Յաջորդ օրը Բիւրական բանակավայրին մէջ հաստատուելէ ետք պատրաստութիւններ տեսան Հ.Մ.Ը.Մ.ի 100 ամեակի նախատեսուած ձեռնարկներու յայտագրին:



-19 Յուլիս 2018 թ. Բիւրական ի մէջ մասնակցեցան Համա-Հ.Մ.Ը.Մ.ական 11-րդ բանակումի բացման հանդիսաւոր արարողութեան. ապա բնակավայրի մէջ 100 ամեակի յուշաքանդակի բացման հանդիսութեան:



Ճանապարհորդութիւն դէպի յոբելենական 100 ամեակի

-20 Յուլիս 2018թ. Ծիծեռնակաբերդի մէջ մասնակցեցան դրօշակի բացման արարողութեան ,ջահ վառութեան եւ ծառատնկումի, այցելեցին նաեւ Ծիծեռնակաբերդի մէջ Հ.Մ.Ը.Մ.ի 100 ամեակի նուիրուած ցուցահանդէսին:Սոյն թուականին կէսօրէն ետք արշաւեցին դէպի Արագած լեռ:



-21 Յուլիս 2018 թ. Երեւան . մասնակցեցան Հանրապետութեան հրապարակի մէջ Համա-Հ.Մ.Ը.Մ.ական 11-րդ բանակումի պաշտօնական տողանցքին (Ըստ Մաշտոցեան հայ տարերու Ա. ու Բ.ի հերթականութեանը պատուիրեց միութեանս սկաւտսներուն «կազմակերպիչ շարքերէ ետք» առաջնորդեցին Համա-Հ.Մ.Ը.Մ.ական 11-րդ բանակումի «Հ.Մ.Ը.Մ.ի հիմնադրութեան 100 ամեակի նուիրուած» ընդհանուր տողանցքը):



Ճանապարհորդութիւն դէպի յոբելենական 100 ամեակի

-22 Յուլիս 2018 թ. մասնակցեցան Եռաբլուրի հոգեհանգստի (յարգանքի տուրք մատուցանելով նահատակներուն) արարողութեան :

Սոյն թուականին ազատ ժամանակ ունենալով այցելեցին Երեւան քաղաքի տեսարժան վայրերը:



-23 Յուլիս 2018 թ. Կիւմրի. Մասնակցեցան Գիւմրի քաղաքի մէջ Վահան Զերազի արձանի բացման հանդիսութեան:



-24 Յուլիս 2018 թ. Երեւան .առաւօտ այցելութիւն Հայաստանի բանակի զօրանոցներէ մէկը, ապա մասնակցեցան Օփերայի դահլիճին մէջ հանրային պաշտօնական հանդիսութեան:



Ճանապարհորդութիւն դէպի յոբելենական 100 ամեակի



-25 Յուլիս 2018 թ. Միութեանս պատուիրակութիւնը մասնակցեցաւ Հ.Մ.Ը.Մ.ի հիմնադրութեան նուիրուած (Կլիմային պաշտպան ծրագրի) գիտաժողովին (Wind Power) անգլերէն տարբերակի նիւթով . միութեանս ներկայացուցիչ խմբին առաջնորդեց Եղբ. Ճաք Տէր Ղազարեան ի մասնակցութեամբ քոյր Սօնիէա Խաչատուրեան, քոյր Բիթա Մուրատեան եւ քոյր Սունէի Աբրահամեան (Հ.Մ.Ը.Մ. Ալքմառ)էն:

-26 Յուլիս 2018 թ. Բիւրական / Տաղաւարներ. Միութեանս սկաւառները մասնակցեցան Բիւրականի մէջ Բանակումի մասնակցող երկիրներու վրան - ցուցահանդէսն , նրանք ցուցադրեցին Հոլանտական տարազներով Հոլանտայի համեղ ուտելիքները եւ մշակութիւնը:

Սոյն թուականի գիշերին մասնակցեցան Բիւրականի խարուկահանդէսին:



27 Յուլիս 2018 թ. Սարդարապատ. Միութեանս պատուիրակութիւնը Բանակումի մասնակցողներու հետ այցելեցին Սարդարապատ , ուր միութեանս երեցները Բանակումի մասնակցող երեցներու հետ վերանորոգեցին իրենց երդման արարողութիւնը:

-28 Յուլիս 2018 թ. Առաւօտ Ծիծեռնակաբերդի մէջ մասնակցեցան դրօշակի փակման արարողութեան . ուր ետք Բիւրականի մէջ մասնակցեցան Համա-Հ.Մ.Ը.Մ.ական 11-րդ Բանակումի պաշտօնական փակումի:

29 Յուլիս 2018 թ. Երեւան միութեանս պատուիրակութիւնը մասնակցեցաւ հանրային փակման ՓԱՐԱԻԱՆ Ճաշարանի մէջ յաղթանակի պարահանդէսին :

Բանակումի աւարտին միութեանս պատուիրակութեան անդամները Բանակումի մասնակցողներու հետ մինչ յաջորդ հանդիպումներուն փոխանցեցին Հ.Մ.Ը.Մ.ական սկզբունքներու հաւատարմութեան խոստումները եւ ուխտը:





Գայլիկ Արծուիկ ներու բանակում

Հոլանտայի BORNE քաղաքի Scouting St. Stephanus Martina սկաուտական բանակավայրին մեջ տեղի ունեցաւ միութեանս տարեկան գայլիկ/արծուիկ-ներու երկօրեայ բանակում:

Բանակումին մասնակցեցան 12 սկաուտներ. Բանակումն նախապատ-
րաստական շրջան եղաւ մասնակցողներու ուր հոն դաստիարակուեցաւ
սկաուտական գիտելիքներ եւ դրօշակի բարձրացման արարողութիւններ.
Մարզանքն եւ սկաուտական խաղերը անբաժան ծրագրուած ձեռնարկ-
ներն էին բանակավայրի ժամանակաընթացքին:

Բանակումի աւարտին մասնակցողները ստացան նորանոր փողկապ-
ներ աստիճաններ եւ պաշտօններ:





ԲՈՎԱՆԴԱԿՈՒԹԻՒՆ



- Համա-Հ.Ս.Ը.Ս.ական 11-րդ քանակումի պատուիրակություն
- Հաղորդագրություն Հ.Ս.Ը.Ս.ի 100 ամեակի կեդրոնական պաշտոնական տոնակատարություններ.
- Հ.Ս.Ը.Ս.ի 100 ամեակի դրոշմաթուղթի եւ պատմութեան նուիրուած գիտաժողով.
- Հ.Ս.Ը.Ս.ի 100 ամեակի երախտագիտութեան եւ արժեւորման փորձ (Եղբ. Գ.Յակոբճեան).
- Արարատի գագաթին եռագոյն պարզել կ' ուզեմ ...
- Երկիր (yerkir.am) . Եղբ. Յակոբ Գասբարեան.
- Pax Kinderen. -
- Սկաուտական վերամուտ.
- Հ.Ս.Ը.Ս. Ալմելօ մեկուսի շրջանի վարչութեան մասնակցութիւնը Հ.Ս.Ը.Ս.ի 100 ամեակի ձեռնարկներու յայտագրին
- Մարզական
- Վա յ վա յ կղզիէն . Լուրեր.
- Ճանապարհորդութիւն դէպի յոբելենական 100 ամեակի
- Գայլիկ Արծուիկ ներու քանակում
- Բովանդակություն.

Հասցէ . Adres : welgelegen 8 . 7608 JZ - Almelo

Կայք էջ . Website : homenetmenalmelo@yahoo.nl

Facebook : Homenetmen Almelo / ՀՍԸՄ Ալմելօ

Առաջարկներու համար կը խնդրուի կապ հաստատել homenetmenalmelo@yahoo.nl ով